

Oporrosteko sindromeari jarriak

I

–Mediku jauna, gaixorik nago
mina daukat barrenetik,
aireportuan hasi zitzaidan
lurreratu ginenetik.
–Kendu hawaiar blusa
eta etzan gorputza...
tira zer duzun, ez dakit,
baina ziur ez dela izango
moreno faltarengatik.



INIGO AZKONA

IV

–Mediku jauna, amak esan dit
kopetan dudala sua,
mingaina zuri-zuri dudala
eta tentsio baxua,
gero amak esan dit...
–Amari ahaztu barik
emaoizu abisua,
azaldu behar dizula zer den
Ediporen konplexua!

II

–Mediku jauna, makalik nago,
begi gorri, buruan min,
toju-tojuka, belaunak dar-dar
eta haginak kriskitin!
–Sudurra ere, aizu,
pittin bat hazi zaizu,
baina plantarik ez egin;
norberak ez du minik izaten
Munchausenen gaitzarekin!

V

–Mediku jauna, orduan zer dut,
hilko naizen nahi dut jakin!
–Lasai, gaixoak ez zaitu hilko
erremedio honekin:
Zortzi ordu lanean
pasatu egunean
eta lo dexente egin,
eta min hori sendatu arte
segi egunero berdin!

III

–Mediku jauna, ez nago ondo
entzun nire aienea:
hilabetean lar goiz heldu zait
laneratzeko unea,
bi hile ahal balira
umetan legez! –Tira,
jada ez zara umea,
bada garaia gaindi dezazun
Peter Panen sindromea!

VI

–Mediku jauna, ez dut egin nahi
berriz lanerako buelta,
desegin gabe dauzkat oraindik
motxila eta maleta!
Mesedez, eman baja!
–Inuxentea, jaja,
alperrik da errezeta,
zertan nahi duzu baja, jadanik,
bajoia baduzu eta!